

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126133](#)

mihil laborem, in iniuitatibus tuis, Esa. 43.
vers. 24.

In horto Oliveti dolores ipsum invaserunt, qui ipsi sudorem sanguineum expresserunt, cum his verbis: Tristis est anima mea usque ad mortem, Matth. 26. v. 24.

Crux sella puerperii fuit, in qua velut vermis se incurvavit, Psal. 22. vers. 7. profunde clamitans: Deus meus, Deus meus, ut quid dereliquisti me, Matth. 27. vers. 46.

Latus quoque ipsius apertum est, ut aqua & sanguis emanarint, ad lavandum & roborandum Filios Dei. Nam exaltare Christi aedificatur Ecclesia, ait Bernhardus. Sicut è costa Adami Eva, Gen. 2. vers. 22.

Posthac quievit in sepulchro, quod puerperii lectus fuit. Die Paschatos viciissim ex eo prodiit. Hodie afferit Quasimodogenitos, & quidem gemellos, ex Judæis & gentilibus, hi indigent indusiolo, quod induunt in Baptismo, Gal. 3. v. 27. opus habent laetem non cibo solido, Hebr. 5. v. 12. Id repetitur in Evangelio, quod Deus abscondit, à sapientibus & prudentibus, & revelavit parvulis, Matth. 11. v. 25. Ideo S. Petrus Auditores suos, nosq; omnes in hodiernum diem hortatur, ut sicut modo geniti infantes, rationabiles & sine dolo lac concupiscamus, 1. Petr. 2. v. 2. Tandem quoque sedula egent curatione, quo fine Deus constituit Ecclesiam, quæ spirituale nosocomion est, in quo infirmi ita curantur, ut non destituantur omni bono, Psal. 103. v. 11. dum Deus dilectionis, qui affectum vere paternum & maternum in nos gerit, Psal. 103. v. 13. Esa. 49. v. 15. non modo ipse excubias agit: sed & Angelis suis man-

davit, ut custodiant illos, & in omnia anxietate & periculo tutela sua iisdem adsistant, Psal. 91. v. 11.

Hæc ita mera cœlestia beneficia sunt, quæ nobis occasione Evangelicæ denominationis in memoriam revocemus: quin & ipsa Pericope pluribus ea inculcat,

Videbimus tunc

I. Triplicem Querelam.

II. Triplicem Medelam.

III. Triplicem Cautelam.

J.J.

Exegesis.

Quod Christus Discipulis suis promisit, in Concione Valedictoria, quam paulo ante abitum suum ad Patrem, Hierosolymis in cœnaculo magno strato habuit, quod nimurum iterum visurus sit illos, & gavisurum sit cor eorum, & gaudium eorum nemo sublaturus sit ab illis, Ioh. 16. v. 23. Id hodie implevit, dum post resurrectionem suam votum pacis afferens, Discipulis consternatis sese stitit, & adventu suo inopinato eosdem valde exhilaravit, ut prælecta Pericope testatur.

Querelam movet

1. *Hostili metu*, quo pii in hoc mundo immundo nunquam non infestantur. De Apostolis hic dicitur, quod fores clauserint, propter metum Iudeorum. Quia enim turba commota erat, & Pontificibus res adeo successerat, ut Christum crucifixum necaverint: Apostoli inter sacram & saxum stantes, singulis momentis verebantur, ne imperio in se facto invaderentur, maxime, quia Consistoriales Hierosolymitani, cum Christus ab ipsis examinare-

naretur, de discipulis ejus interrogaverant,
Ioh.18.v.19.

Præterea, per milites pecunia corruptos fama increbuerat, quasi discipuli nocte, dormientibus illis, corpus Christi è sepulchro furati essent, Matth.28.v.13. Ideo semper animis anxii erant, ne nocte intempesta fores effriterentur. Sicut pio Lotho idem accidisset, ab impiis Sodomitis, nisi Deus cœcitat eos percussisset, ut ostium invenire non potuerint, Gen.19.v.11.

Quanta hæc miseria sit, superiori belli tempestate satis experti sumus, ubi tenebræ tribulationis erant in terra, Esa.5.v.30. neque introeunti, neque exeunti pax erat, præ tribulatione, Zach.8.v.10. quin in iplis ædibus nemo tutuserat à furibus, noctu irrumpentibus, & quævis obvia afferentibus. Tum enim valebat: Velociter spolia detrahe; cito prædare, Esa.8.v.1. Qui modo id artificiose celare poterat, nulla excusatione indigebat. Ius enim tempore belli ambiguum est, scriptum in Epistola, juxta quam omnis fur innocens pronunciatur, Zach.5.v.3.

Quodsi Protoplasti nostri, immunes à lapsu in Paradiso perseverassent, nullis domibus, muris, civitatis & munimentis opus fuisset: Imago enim Dei inter alia quoque consistebat in perfecta justitia, quæ ejusmodi virtus est, ut nemini vim inferat, sed cuilibet suum attribuat, ideo absque ullis munitionibus homines sibi invicem cohabitare potuissent, in pace & concordia, Deo æque ac hominibus jucunda, Psal.133.v.1.

Simulac autem Cain post lapsum frater suum Abelem interfecerat, & metuebat, ne qui iavenerit eum, occideret,

ædificavit ille civitatem, vocavitque nomen ejus, ex nomine filii sui Henoch. Gen.4.v.17.

Idem fecerunt posteri Noæ post diluvium, quia enim Deus primum mundum diluvio inundarat, illi melius sibi confuturi, turrim extructum ibant, cujus culmen pertingeret ad cœlum, ut in ea tempore necessitatis, tui esse possent, Gen.11. vers.4.

Id ita, invalecente malitia hominum continuatum est, ut hodie hic illuc munimenta extructa sint, quæ tamen sëpe parum præsidii afferunt, Quia dies Domini super omnem turrim excelsam: & super omnem murum munitum, Esa.2.v.12.15.

Quando igitur Deus hominem puniturus est, nulla arx vel munitio homini præsidio erit, licet exaltatus fuerit ut aquila, & inter sidera posuerit nidum suum, Obad.1.v.4. ubi vero quem in custodelam suam recepit, vel aranea murus erit, sicut hic in Apostolis exemplum habemus, qui in conclavi congregati fores clauerant. Id parum profuisset ipsis, nisi Christus securitate ipsis impetrata, hostibus suis satis pro impietio dixisset: Sinite hos abire, Ioh.18.vers.8.

Id perpendite vos mei! Adhuc hodie in mundo sursum deorsum omnia volvuntur, Quia filius pro stulto habet patrem, & filia consurgit adversus matrem suam, nurus adversus locrum suum; & inimici hominis domestici ejus, Mich.7.v.6. Ideo qui libet Deum timeat, & nullo patrocinio destituetur. Turris fortissima nomen Domini, ad illam currit justus, & exaltabitur, Prov.18.v.10.

II. Solatii defectus. Apostoli in magnis
an-

Dominica Quasimodogeniti.

angustiis versabantur, non modo propter Pontifices, sed & ratione fugæ, quod contra datam fidem à Domino suo perfidia defecerant, ideo medicinâ contra mortalem indigebant. Verum Servator diu eandem retraxit. Maneret surrexerat, mulieribusque sese manifestaverat; Sed Apostolos vesperi demum invisit.

Sic unus diutius cruce premitur, quam alter, qua in parte Deus modum sibi præscribi non sinit. Optime enim novit,

- - Quid valeant humeri, quid
ferre recusent.

Quemadmodum Medicus infirmo medicinam ordinaturus, ante omnia vires ejus considerat, ne in dosi forte peccet: Sic Deus est Sanator noster, Exod. 15, v. ult.

Scit ille, quod sit optimum,
Nobisque nullum dat malum,
Hæc spes reposa nobis.

Sæpe vero Diabolus hanc mortam exaggerat, dum piis animis inspirat Deum mutantum in crudellem, & benevolum cor suum avertisse, alias tamdiu in angustiis illos non relieturum; hinc suspiria: Deus ne sileas, ne taceas, ne quiescas Deus, Psal. 83, v. 1. Laboravi clamans, raucae factæ sunt fauces meæ, defecerunt oculi mei, dum spero in Deum meum, Psal. 69, v. 4. Verum tu in patientia animam tuam custodiens, expecta Dominum, cum Jacobo dicens: Non dimittam te, donec benedixeris mihi, Gen. 32, v. 27. & veniens ille veniet, & non tardabit, Hab. 2, v. 3. si non citius, tamen circa vesperam, quo tempore discipulos quoque hic accessit: in inundatione enim præterente consummationem faciet loci illius,

Nah. 1, v. 8. & in tempore vesperi erit lux, Zach. 14, v. 7.

Cum Daniel trium hebdomadarum diebus lugeret, & Deum sollicitaret, tanto fervore, ut panem desiderabilem non comederet, Deus tandem Angelo misse confirmabat eum. Hic non opinemur, ac si tum demum & non citius preces ejus exauditæ sint. Neutiquam. Nam ex die primo, dicit Angelus, quo posuisti cor tuum ad intelligendum, ut te affligeres in conspectu Dei tui, exauditæ sunt verba tua, & ego veni propter sermones tuos, Dan. 10, v. 2. I^o. Quod vero Daniel toras tres hebdomadas expectare & clamare debuit, eo ipso probatus est, quinimo ut eo ferventius oraret, & in constantia perseveraret, adactus. Nam inter omnes virtutes sola perseverantia coronatur, Bernhardus. Nemo vero mittens manum suam ad aratum, & relpiciens retro, aptus est Regno Dei, Luc. 9, v. ult.

III. *Ministerii onus*: quod Christus innuit, inquiens: Sicut misit me Pater, & ego mitto vos.

Ex quo elucescit, verbi Praeconibus vocationem expectandam, ne ipsi currant, sed expectent, dum mittantur, Jer. 23, 21. Alias veluti sorices seipso produnt, quod plus lac & lanam, quam Dei gloriam & oviculorum emendationem relpiciant: ut Deus ipse de ejusmodi Pastoribus graviter conqueritur, Ezech. 34, v. 3.

Quam grave vero onus verbi ministerium sit, id è missione colligendum, quam hic Christus cum sua ipsius missione confert. Sicut igitur Deus Pater Filium suum misit

I. *Ad docendum*: Undenunquam quoties-

tiescunque occasio se obtulerit cessavit, voluntatem Patris sui simpliciori plebeculae exponere, in notis Parabolis, interdiu & nocte, sicut imprimis Nicodemo noctu concionem habuit, Joh. 3. vers. 1. Et id tanto fervore egit, ut etiam in ata crucis non desierit, dum animam exhalavit, Luc. 23. vers. 46. Rebus vero politicis non immiscitur se: ideo cum Regem eum raptu-
xi essent, fugit in montem ipse solus, Ioh. 6. v. 15.

Ita Animarum Pastores intra cancellios vocationis sue continere se debent, instantes opportune importune, arguendo, increpando, exhortando, in omni longanimitate & doctrina, 2. Tim. 4. v. 2. Et hoc ipso nondum officio satissimum est, ut non dubitandum, si Ministerii Candidati molestias Ministerii praevidere possent, quin paucissimi illud subituri essent. Licet enim aliae Facultates molestias suas & ipsae habeant, & unicuique in sudore vultus sui pane suo vescendum, Gen. 3. v. 19. attamen labore non adeo continuo nec tanto opus est, in concipiendo, meditando & peroraendo, ut in Ministerio, unde necessario corporis vires paulatim deficiunt, ut plurimi in maturiori morte prærepti, ad senectutem minus perveniant, sicut experientia probat. In tantis laboribus & molestiis non est, ut negotiis secularibus se implicant, 2. Tim. 2. v. 4. plurima enim super sensum hominis ostenta sunt ipsi, Sirac. 3. v. 25. Reges gentium dominantur, & qui potestatem habent, benefici vocantur, Luc. 22. v. 25. Quicunque igitur Ecclesiam & curiam administrare gestit, non à Deo missus est, sed pertinet in Synagogam Sa-

tanæ, Apoc. 3. v. 9, qui Rex superborum dicitur, Iob. 4. v. ult.

* 2. *Ad faciendum*, ut ea quæ docet, exterioribus signis & miraculis confirmet. Hanc potestatem discipulis quoque suis dedit, ut Dæmonia ejecerint, varios morbos curaverint, aliaque prodigia fecerint, sed non ex propria virtute, verum in nomine suo, Matth. 16. v. 17.

Hodie nullis miraculis amplius indigemus, quia doctrina, quam profitemur, Christi & Apostolorum miraculis sufficienter confirmata est. Id vero Pastori probato incumbit, ut vestigiis Domini sui insistens, non modo dicat, sed & faciat, ut sit exemplum fidelium, in verbo, in conversatione, in spiritu, in fide, in castitate, 1. Tim. 4. v. 12. Alias efficit, ut Evangelium calumniis impetratur, & dum aliis prædicat, ipse reprobis efficiatur, 1. Cor. 9. v. 27.

3. *Ad patiendum*. Non enim venit ministerari, sed ministrare, & dare animam suam redemtionem pro multis, Matth. 20. vers. 23. Hac in parte nemo ipsi conferri potest, solus enim torcular calcavit, Esa. 63. v. 2. & una oblatione consummavit in tempiternum eos, quis sanctificantur, Hebr. 10. v. 14.

Interea & nobis stigmata ejus in corpore nostro portanda sunt, Gal. 6. v. 16. ut in longanimitate, 2. Cor. 6. v. 5. permultam crucem & afflictionem in Regnum Dei eum sequamur, Matth. 16. v. 24. non ut nobis vel aliis quicquam promereamur: sed Dominum Ministerii in cruce & morte, ut benevolia ejus voluntas requirit, clarificemus, Ioh. 21. 19. Hinc est, quod adhuc hodie Filius Dei discipulos suos mittit, ut

oves occisionis, Psal. 44. v. 22. ut inter aspides & regulos, Esa. 11. v. 8. inter leones & lupos, Matth. 10. v. 16. inter falsos fratres & latrones, 2. Cor. 4. v. 13. ministerio suo fungantur, panem doloris comedentes ut Micha, 1. Reg. 19. v. 6. tanquam purgamenta hujus mundi, omnium peripisma, 1. Cor. 4. v. 13. Verum hoc solatio gaudent, quod Ministri Christi sint, & dispensatores mysteriorum Dei, 1. Cor. 4. v. 1. Is suo tempore videbit, & requiret, 2. Paral. 24. v. 22. Merces vero eorum eo copiosior erit in celis, Matth. 5. v. 12.

De Secundo.

Sequitur Medea quæ fluit
I. Ex Christi manifestatione, quam
peregit

I. Potenter, dum clausas januas pertransit.

Quando alias in conclave clausum ingressum sumus, aut claves adhibenda, aut fores pulsanda, aut dum fores pandantur, expectandum, aut vi fores perrumpenda, aut per Claustratum aperienda sunt.

Nihil horum Christus tentavit, & tamen ad discipulos in conclave intravit. Primo enim non uitit clavi, quam sine dubio Apostoli sibi sumtam probe assertaverant. Nec pulsavit ostium, sicut Petrus aliquamdiu ad domum Mariæ pulfare & præstolaritenebatur, dum fores aperirentur, Act. 12. v. 13. Præterea nec ostium vi perrupit, aut è cardinibus dimovit, sicut Simson Gaza conclusus, media nocte consurgens, apprehendit ambas portæ fores, cum postibus suis & uestibus,

impositasque humeris suis, portavit ad verticem montis, qui respicit Hebron, Jud. 16. v. 3. Neque Angelus ei fores aperuisse legitur, quod Petro incarcerato factum, Act. 12. v. 10. neque terræ motus factus, sicut Philippis accidit, cum Paulus & Silas in custodia detinerentur, ut moverentur fundamenta carceris, Act. 16. v. 26. Nihil horum factum est: Sed fores oclusæ sunt & manent, attamen Christus corpore suo clarificato easdem penetrat, nihilo ipsum prohibente. Quæ qualitas nostris quoque corporibus clarificatis continget. Seniatur enim in corruptione, surget in incorruptione, 1. Cor. 15. v. 43.

2. Patenter. Stetit enim in medio eorum. Quo significare voluit, esse se unum illum Mediætorem Dei & hominum, 1. Tim. 2. vers. 5. qui nos non relieturus fit orphans, Joh. 14. vers. 18. sed ubi duo aut tres congregati sunt in nomine ejus, futurus erit in medio eorum, Matth. 18. vers. 20.

Nos sæpe inter postes & cardines verfamur, & ita angustiamur, ut nesciamus, quid facere debeamus, ut Rex Jolaphat ait, 2. Chron. 20. v. 12. Verum confidite vos mei! Christus medius nostrum stat, Joh. 1. v. 26. eritque nobiscum in tribulatione, cripier & glorificabit nos, Psal. 91. v. 15.

II. Ex pacis appreciatione. Stetit enim in medio eorum, non mutus, ac tacens: sed amice salutat, inquiens: Pax vobis!

Hic nobilissimus thelaurus est, quem Christus resurrectione sua nobis acquivit & peperit, propterea vocatus Sar-Schalom, Princeps pacis, Esa. 9. v. 7.

Exultate hinc Vos mei! Justificati enim ex fide, pacem habemus ad Deum, per